



Broj: 07-2-615-1 /20 A.S.  
Sarajevo, 09.12. 2020. godine

Bosna i Hercegovina  
Federacija Bosne i Hercegovine  
KANTON SARAJEVO  
**Ministarstvo prostornog uređenja, građenja i zaštite okoliša Kantona Sarajevo**  
*Sektor zaštite okoliša*  
Ulica: Reisa Dž. Čauševića broj 1  
71 000 Sarajevo

PREDMET: Odgovor na zastupničko pitanje, dostavlja se

Kantonalna javna ustanova za zaštićena prirodna područja zaprimila je dopis broj: 07-2-615/20 od 09.11.2020. godine sa zastupničkim pitanjem zastupnice u Skupštini Kantona Sarajevo Danijele Kristić.

Zastupničko pitanje se odnosi na izgradnju vodonepropusnih jaraka uz saobraćajnicu u prvoj vodozaštitnoj zoni izvorišta Sarajevsko polje, a skladno mjerama zaštite iz Odluke o zaštiti izvorišta iz 1987. godine.

Tim povodom, dostavljamo sljedeći:

### O d g v o r

Kantonalna javna ustanova za zaštićena prirodna područja shodno članu 3. Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 31/17) **upravlja s već proglašenim zaštićenim prirodnim područjima Kantona Sarajevo**, a to su Spomenik prirode "Vrelo Bosne", Spomenik prirode "Skakavac", Zaštićeni pejzaž "Bijambare", Zaštićeni pejzaž "Trebević" i Zaštićeni pejzaž "Bentbaša".

Primarna djelatnost Javne ustanove je zaštita, održavanje i promocija zaštićenih područja i drugih zaštićenih prirodnih vrijednosti u cilju zaštite i očuvanja izvornosti prirode, osiguravanja nesmetanog odvijanja prirodnih procesa i održivog korištenja prirodnih dobara, te nadzora nad provođenjem uslova i mjera zaštite na području na kome upravlja shodno odredbama Zakona o zaštiti prirode („Službene novine Federacije BiH“, broj 66/13).

Odobrenje za građenje je upravni akt koji se donosi u obliku rješenja kada se utvrdi da je građenje u skladu sa planom, drugim uvjetima utvrđenim za taj prostor, Zakonom o prostornom uređenju Kantona Sarajevo ("Sl. novine Kantona Sarajevo" br. 24/2017 i 1/2018), posebnim zakonima i propisima donesenim na osnovu tih zakona, lokacijskom informacijom ili urbanističkom saglasnošću.

Odobrenje za građenje donose nadležni organi u skladu sa zakonskim i podzakonskim aktima koji tretiraju tu oblast.

U slučaju kada namjena građevine ili drugi zahvat u prostoru može imati značajan uticaj na okoliš i kada se nalazi na spisku objekata za koju je potrebno pribaviti okolinsku dozvolu i vodni akt od nadležnog Ministarstva na osnovu odgovarajućeg propisa.


U prethodnom programu zaštite izvorišta vode za piće u Sarajevskom polju koji je donesen uz Odluku o zaštiti izvorišta vode za piće u Sarajevskom polju ("Službene novine grada Sarajeva", br. 15/75) u članu 9. navodi se nadležni organ za izradu projektnog zadatka na izgradnji odvodnih jaraka uz saobraćajnice na način koji onemogućava zagađenje površinskih i podzemnih voda.

U kontekstu navedenog, ova javna ustanova upravlja kategorijama zaštite prirodnih vrijednosti koje su proglašene po zakonskoj proceduri i dodijeljene na upravljanje, te je ista spremna finansijski učestvovati zajedno sa nadležnim institucijama u realizaciji predloženog projekta, i to od ostvarenih prihoda naplate ulaza u zaštićena prirodna područja.

S poštovanjem,

DIREKTOR

Dr. sci. Osman Delić



Dostaviti:

1. Naslovu
2. Skupštini Kantona Sarajevo
3. Arhivi Javne ustanove